

CONVENIO ENTRE O CONCELLO DE SANTIAGO DE COMPOSTELA E A UNIÓN DE COOPERATIVAS ESPAZOCOOP PARA O ANO 2023 NO MARCO DO PROGRAMA COMPOSTELA MÓVESE 2023

Dunha parte, Dona María Rozas Pérez, Concelleira de Dereitos e Servizos Sociais, Promoción Económica e Xuventude, do Excmo. Concello de Santiago de Compostela, nomeada por decreto de Alcaldía o 17 de xuño de 2023

Doutra, Dona Ana Olveira Blanco, Presidenta da UNIÓN DE COOPERATIVAS ESPAZOCOOP con CIF G70506662, e con domicilio en Rúa do Hórreo, 104 baixo, esq. CP 15701, Santiago de Compostela.

Ambas as dúas partes no nome e representación que ostentan e coa capacidade legal para este acto

EXPOÑEN

- I. Que o presente convenio regularase polo disposto na Lei 40/2015, de 01 de outubro, de Réxime Xurídico do Sector Público, na Lei 38/2003, de 17 de novembro, “Xeral de Subvencións” e RD 887/2006 de 21 de xullo, polo que se aproba o seu regulamento, e polo definido na Lei 9/2007 do 13 de xuño de Subvencións de Galicia.
- II. Que o Concello de Santiago de Compostela leva impulsando a economía social como fórmula de emprendemento dende a súa adhesión á Rede Eusumo no ano 2016 a través do programa municipal Compostela Móvese.

O programa municipal Compostela Móvese integra continuando coa liña aberta no ano 2015 e en anos anteriores baixo o nome Santiago Investors Support ou Compostela Activa todas as accións da Oficina de Promoción Económica relacionadas co apoio a cultura emprendedora e á creación de novas empresas. A Oficina de Promoción Económica do Concello de Santiago de Compostela leva apoiando a creación de empresas e o auto emprego a través de programas de formación, dinamización da actividade económica, encontro comercial e axudas dende a súa creación no ano 2004, existindo ademais esta liña de traballo e actividade con anterioridade a esa data no marco das accións da extinta Axencia de Desenvolvemento Local.

Segundo o establecido no artigo 3 puntos a) e b) da Lei 5/2014 do 27 de maio de medidas urxentes derivadas da entrada en vigor da Lei 27/2013 do 27 de decembro, de racionalización e sustentabilidade da Administración Local non se entenderá como exercicio de novas competencias a continuidade na prestación dos servizos xa establecidos nin a continuidade da actividade de fomento xa establecida en exercicios anteriores; polo tanto a continuidade destas liñas de axudas ao establecemento da actividade empresarial non poden ser consideradas exercicio de novas competencias.

A aportación propia precisa para a execución das actividades realízanse con fondos propios do Concello de Santiago de Compostela non comprometendo a sustentabilidade financeira do Concello de Santiago e non supoñendo ademais unha reiteración ou duplicidade sobre as actividades realizadas pola Xunta de Galicia.

- III. Por outra banda, a UNIÓN DE COOPERATIVAS ESPAZOCOOP ten creado un programa de actividades para o impulso dun ecosistema emprendedor na economía social, que promova a creación e constitución de novos proxectos, querendo con iso, achegar a cidadanía, visibilizando outras alternativas posibles para o desenvolvemento de proxectos empresariais, centrados nas persoas, respectuosos co medio ambiente, solidarios e comprometidos coa comunidade, baseados na democracia, a igualdade e a participación .
- IV. Que son os convenios o instrumento habitual para canalizar as subvencións previstas nominativamente, segundo se establece especificamente nos artigos 47.2.c e 48.7 da Lei 40/2015 de Réxime Xurídico do Sector Público, no artigo 28 da lei 38/2003 Xeral de subvencións e no artigo 26 da Lei 9/2007 de subvencións de Galicia, así como, de forma específica no artigo 31.10 das Bases de execución do orzamento municipal.
- V. Que o Concello de Santiago para levar a cabo a colaboración coa UNIÓN DE COOPERATIVAS GALEGAS ESPAZOCOOP obxecto deste convenio, estará ao previsto nas Bases de Execución de Orzamento do Excmo. Concello de Santiago de Compostela para o ano 2023 e ao establecido no anexo ao estado de gastos dos capítulos IV e VII que forma parte do orzamento xeral do Concello para o exercicio 2023, achegará a cantidade de 39.000,00 € con cargo á aplicación orzamentaria 010 43300 4890004

E, polo que as partes

MANIFESTAN:

- I. **Que o** programa Compostela Móvese recolle como un dos seus obxectivos específicos entre outros o de “Impulsar a Economía Social como fórmula de emprendemento e valorizar o tecido empresarial que xa optou por esta fórmula empresarial favorecendo o seu coñecemento e recoñecemento no municipio.” No marco deste programa aprobouse e asinouse por un convenio de colaboración coa entidade Espazo Coop con un orzamento de 39.000,00€ no ano 2022. A importancia do impulso ás fórmulas da economía social como vector de crecemento e diversificación económica tamén se recolle na documentación de diagnose e no Plan de Acción da Axenda Urbana 2030 de Santiago, así como na guía “As oportunidades da Economía Social para a consecución dos retos das Axendas Urbanas e a Axenda 2030” elaborada coa colaboración de diferentes institucións de ámbito local, autonómico e estatal no marco das actividades da Capital Española da Economía Social 2022 de Santiago de Compostela.
- II. Que é interese das institucións comparecentes, fomentar e impulsar as actividades de información, formación e mellora da competitividade empresarial nos proxectos empresariais a través do aporte de un mellor sistema de información e análise da situación económica, así como a promoción especial de proxectos empresariais promovidos por mulleres que contribúan aos obxectivos de igualdade e desenvolvemento sostible marcados na programación estratéxica de ambas entidades.
- III. Que a UNIÓN DE COOPERATIVAS ESPAZOCOOP , dispón de competencia, metodoloxía, equipo técnico e rede de contactos precisos para desenvolver de xeito óptimo e no marco das súas actividades e defensa dos seus interese ás actividades e servizos obxecto deste convenio, que non poderían ser realizadas polo Concello de Santiago con recursos propios para a consecución dos fins expostos sen incorrer nun custe moito máis elevado.
- IV. Que o Concello de Santiago considera importante establecer acordos de colaboración coa mencionada entidade co fin de garantir a realización das labores obxecto do convenio co consecuente beneficio para toda a cidadanía do Concello de Santiago, considerando que é

positivo para a creación e impulso dun ecosistema emprendedor na economía social de acordo cos obxectivos marcados no programa Compostela Móvese. En consecuencia,

CONVEÑEN

1º.- É obxecto deste convenio subvencionar os gastos necesarios para que a UNIÓN DE COOPERATIVAS ESPAZOCOOP realice durante o ano 2023 as seguintes actividades:

a) ACTIVIDADES DE XERACIÓN DE COÑECEMENTO con procesos formativos dirixidos a tres colectivos que xogan un papel fundamental no ecosistema emprendedor, como son ás persoas prescriptoras de emprego, como axentes de difusión e creación de empresas entre as persoas usuarias dos seus servizos . As persoas interesadas en coñecer e/ou poñer en marcha proxectos de emprendemento colectivo, para formalos e darlles a coñecer a opción de crear cooperativa. E as persoas mozas, recentemente tituladas en áreas económicas e de administración de empresas, para complementar a súa formación con coñecementos e ferramentas específicas adaptadas ás empresas cooperativas.

Tendo en conta o anterior ,proponse a realización dun obradoiro dirixido a persoas mozas tituladas universitarias para formalas como titoras xerenciais en cooperativas; un curso de teleformación dirixido a persoas prescriptoras e un itinerario formativo composto por tres cursos de formación, destinado a persoas interesadas en emprender en cooperativa.

1.-a.) Formación dirixida a persoas mozas para formalas como titoras xerenciais en cooperativas

Acción formativa: Formación especializada pata titorías xerenciais en cooperativas.

Duración: 20 horas

Modalidade: Teleformación mixta; a formación será en formato telemático pero contando con dúas sesións presenciais e unha sesión grupal de aprendizaxe.

Datas realización: ano 2023

Dirixido a: persoas mozas, con preferencia ás menores de 30 anos e/ou mulleres que teñan titulación regrada en áreas económicas ,administrativas, de xestión ou organización empresarial.

Programa:

Módulo 1.- Formación Cooperativa Básica

Módulo 2.- A área comercial e de mercado e a área económico-financeira

Módulo 3.- A planificación estratéxica. Ferramentas para o plan de mellora

Módulo 4.- Habilidades sociais e organización societaria en cooperativas

2.-a) Formación dirixida a persoas prescriptoras para a o impulso do ecosistema emprendedor no cooperativismo

Acción formativa: Impulsando un ecosistema emprendedor no cooperativismo e a economía social.

Duración: 40 horas

Modalidade: Teleformación, contando con tres sesións grupais de aprendizaxe

Datas realización: ano 2023

Dirixido a: persoas prescritoras de emprego e emprendemento de distintas organizacións e entidades públicas e privadas, con presenza en Santiago de Compostela (persoas de servizos de orientación laboral, axentes de desenvolvemento local, xestoras e asesoras de empresas, servizos de emprego e emprendemento, tecido educativo de ensino medio e superior, asociacións empresariais e sindicais, etc.)

Programa

Módulo 1.- Análise de necesidades para o desenvolvemento dun ecosistema emprendedor no cooperativismo.

Módulo 2.- Coñecendo as cooperativas: dimensión societaria.

Módulo 3.- Cooperativas e acceso ao financiamento.

Módulo 4.- Maduración e plan de viabilidade dun proxecto cooperativo.

Módulo 5.- Cando recomendar a cooperativa. Casos prácticos.

Módulo 4.- A toma de decisións

3.-a) Itinerario formativo para o emprendemento cooperativo

Acción formativa: itinerario formativo composto de tres cursos que se complementan entre si e axudan a que as potenciais emprendedoras constrúan unha base para o seu proxecto de emprendemento colectivo.

Realizarase unha formación práctica que permite ás persoas participantes : coñecer as particularidades e características da empresa cooperativa ao tempo que adestrar as habilidades e capacidades que faciliten un traballo colaborativo e cooperativo; e coñecer que debemos analizar e ter en conta para facer da nosa idea un proxecto cooperativo viable.

Duración: 60 horas en total ; 20 horas por curso

Modalidade: Teleformación, que conta con seis sesións grupais de aprendizaxe.

Datas realización: ano 2023

Dirixido a: persoas en proceso de busca de emprego, persoas interesadas en incorporarse ao mercado de traballo a través do emprendemento colectivo, grupos promotores de cooperativas, profesionais autónomos interesados en compartir servizos, recursos, investimentos, etc. O modelo de emprendemento cooperativo.

Programa

Curso 1.- Emprendemento en cooperativa

Módulo 1.- O emprendemento

Módulo 2.- O cooperativismo de traballo como alternativa de emprego

Módulo 3.- Organización e financiamento. Apoios para o emprendemento

Módulo 4.- Experiencia cooperativa. Boas prácticas no cooperativismo

Curso 2.- Habilidades e competencias para o traballo en equipo nas cooperativas

Módulo 1.- Achegándonos o xeito de traballar nunha cooperativa. Habilidades persoais e sociais

Módulo 2.- A comunicación

Módulo 3.- O traballo en equipo

Módulo 4.- A toma de decisións

Curso 3.- Desenvolvendo a idea cooperativa

Módulo 1.- Identifica o teu proxecto cooperativo

Módulo 2.- Analiza as áreas comercial e de mercado

Módulo 3.-Estuda a viabilidade económica e financeira

Módulo 4.- Planifica a área organizativa e os trámites de constitución

4.-a) Xornada de emprendemento feminino

Acción formativa: Xornada de potencialidades do emprendemento feminino, no marco da economía social.

Dirixida a visibilizar e poñer en valor a capacidade de emprender das mulleres, mediante a presentación de referentes e boas prácticas , que favorezan procesos e proxectos de emprendemento colectivo das mulleres nunhas condicións de estabilidade, participación e igualdade, e a identificación de sectores de actividade con potencialidade emprendedora no ámbito de Concello de Santiago de Compostela.

A Xornada consistirá nunha sesión presencial na que se dará a coñecer as potencialidades da fórmula cooperativa como organización colectiva óptima para o emprendemento das mulleres, tanto dende o marco teórico como do coñecemento de experiencias reais que así o demostran. Deixando un espazo para procesos de networking favorecedores dun coñecemento máis persoal e concreto de necesidades e intereses compartidos que sirvan de semente para dinamizar procesos de intercooperación de mulleres emprendedoras, compartindo un petisco.

Duración: 4 horas

Modalidade: Presencial

Datas realización: ano 2023

Dirixido a: mulleres interesadas en emprender, en traballar en equipo a través da fórmula cooperativa; membros do tecido social, asociativo e da economía social de Santiago de Compostela e cidadanía en xeral. De cara a dinamizar procesos de creación identifícase como destinatarias tamén aquelas persoas que forman parte do ecosistema necesario para que xurdan propostas, como as persoas prescitoras e/ou prestadoras de servizos de apoio.

Programa:

- A cooperativa como fórmula colectiva para organizar o emprendemento das mulleres
- Panel de experiencias de emprendemento feminino
- Espazo networking: posta en común de intereses entre as persoas e entidades participantes

b) ACTIVIDADES DE CONSOLIDACIÓN DO ECOSISTEMA, para reforzar as redes colaborativas entre as persoas e entidades que conforman o ecosistema, búscase dinamizar o traballo colaborativo e a posta en valor de servizos e recursos que xa existen.

1.-b) Encontro networking. Tecendo redes

Encontro dirixido a persoas prescritoras para o impulso do ecosistema de emprender no cooperativismo.

Daremos continuidade á actividade realizada o ano pasado, cun Encontro de networking para traballo colaborativo, madurando propostas de acción e de presentación de recursos, que favorezan a consolidación de redes de colaboración entre entidades e profesionais prescritoras.

A Xornada consistirá nunha sesión presencial de traballo para recollida de necesidades e propostas, e dun networking, onde as entidades convidadas retomen o proceso de coñecemento mutuo, concreten e prioricen accións, compartindo ferramentas e recursos a prol da economía social, que consideren viables para a consolidación de redes de colaboración, mentres comparten un café.

Duración: 2 horas

Modalidade: Presencial

Datas realización: ano 2023

Dirixido a: persoas e entidades participantes no curso de formación de persoas prescritoras nas edicións anteriores a este ano pasado e na deste; outras entidades da economía social presentes en Compostela

Programa:

- Presentación das persoas e entidades participantes
- Revisión, análise e avaliación das propostas realizadas en Encontros anteriores
- Identificación de actuacións que favorezan o ecosistema emprendedor

2.-b) Roteiro cooperativo

Actividade: Ruta para coñecemento de empresas cooperativas da cidade

Esta proposta pretende acadar tres obxectivos: achegarse e visibilizar o cooperativismo existente en Santiago de Compostela; apoiar ás cooperativas participantes no roteiro axudando na súa labor comercial e tamén que poida pasar a formar parte da proposta de actividades turísticas da cidade, contribuíndo a incrementar e diversificar a oferta de actividades.

Edicións: cinco quendas , formadas por un máximo de 15 persoas

Duración de cada Roteiro : 3 horas

Datas realización: ano 2023

Dirixido a: persoas interesadas en achegarse ao cooperativismo de Compostela e en coñecer os proxectos que conforman as paradas do roteiro, está aberto á participación tanto de composteláns como de persoas que visiten a cidade. As persoas participantes recibirán un agasallo coa imaxe do Roteiro e material corporativo de EspazoCoop.

O desenvolvemento desta actuación supón a xestión e coordinación da actuación coas cooperativas participantes e unha labor imprescindible de difusión e publicidade, para acadar un resultado exitoso:

- xestión das cooperativas que desenvolven e participan no itinerario

- planificación e calendarización das cinco edicións do roteiro; coordinación do contido e desenvolvemento das mesmas
- elaboración de materiais de difusión do roteiro: bolsas, folletos, carteis
- programación, coordinación e execución dos roteiros (visitas guiadas) programados

Programación :

- Achegamento á economía social e cooperativismo galego e de Compostela: encontro das persoas participantes en cada edición (lugar de encontro Alameda de Santiago)
- Realización do itinerario a pé, no que se visitarán catro cooperativas que explicarán a súa experiencia en emprendemento cooperativo e mostrarán a súa actividade (visitas de 30´)
- Finalización do roteiro, no que se atenderán preguntas das persoas asistentes

2.- Previo ao proceso de realización das accións levarase a cabo tarefas de programación, organización e xestión das actividades, elaboración de materiais, divulgación e selección do alumnado nas actividades formativas, divulgación e procesos de inscrición para as xornadas e espazos de intercooperación e procesos de contratación de servizos externos; o proceso de execución supón tarefas de docencia, organización de eventos, elaboración de produtos, comunicación, xestións e seguimento da execución das actividades; e con posterioridade á súa execución, realizarase o proceso de avaliación e xustificación económica e de execución, das actividades que conforman o programa.

Para desenvolver as actividades propostas contarase con apoio externo para tarefas que requiren especialización profesional (xestión de eventos, elaboración e edición de materiais, comunicación, etc.) e o resto de tarefas de preparación, execución e xustificación serán asumidas polo equipo técnico da entidade.

3º.- O Concello de Santiago comprométese a subvencionar no ano 2023 á UNIÓN DE COOPERATIVAS ESPAZOCOOP coa cantidade de 39.000,00-EUROS con cargo á aplicación orzamentaria 010 43300 4890004 dos orzamentos municipais para o ano 2023, destinados a colaborar no financiamento das actividades reseñada no punto 1º deste convenio.

Estes 39.000,00 €, a efectos de xustificación estarán destinados a financiar os seguintes conceptos de gastos que figuran no seu orzamento, todos eles correspondentes ao ano 2023:

| Actividades | Orzamento |
|--|-------------|
| Formación en competencias xerenciais cooperativas | 3.240,00 € |
| Formación a persoas prescritoras para impulso do emprendemento | 7.200,00 € |
| Itinerario formativo para o emprendemento cooperativo | 10.800,00 € |

| | |
|-----------------------------------|--------------------|
| Xornada de emprendemento feminino | 2.620,00 € |
| Encontro networking Tecendo Redes | 2.240,00 € |
| Roteiro cooperativo | 12.900,00 € |
| Custe total | 39.000,00 € |

O importe exacto das distintas partidas pode variar en función das distintas contratacións precisas para o desenvolvemento das actividades. De non ser posible a xustificación da totalidade do orzamentos dunha liña por este motivo, admitirase a xustificación do resto con cargo ao resto de actividades descritas neste convenio.

A contribución municipal manterase sempre e cando, en concorrencia con outras axudas públicas ou privadas para o mesmo fin, non se supere o orzamento total de gastos presentado pola UNIÓN DE COOPERATIVAS ESPAZOCOOP de Santiago de Compostela para o ano 2023.

4º.- A UNIÓN DE COOPERATIVAS ESPAZOCOOP comprométese, en virtude deste convenio a publicitar a colaboración do Concello de Santiago, na súa páxina web e en toda a documentación xerada como memorias de actividades, nota de prensas, convocatorias de programas, publicidade dos servizos, referentes aos servizos enunciados no punto 1º do convenio.

5º.- O pago efectuarase nun único prazo previa xustificación dos gastos realizados e do cumprimento da finalidade para a que foi concedida a subvención. Procederá a minoración do importe cando o orzamento executado teña un custe inferior ao inicialmente previsto, e sempre que esta minoración non supoña unha realización deficiente da actuación subvencionada.. O prazo de xustificación rematará o 10 de novembro 2023.

Para facer efectivo o pago é condición necesaria que a UNIÓN DE COOPERATIVAS ESPAZOCOOP de Compostela presente no Rexistro Municipal do Concello de Santiago, **como data límite a indicada no parágrafo anterior**, a seguinte documentación para a xustificación do convenio:

5.1.- Declaración responsable asinada pola/o titular ou pola/o representante legal da Entidade na que se indique, baixo a súa responsabilidade ter cumprido o obxecto do presente convenio (ANEXO I).

5.2.- Unha memoria das actividades realizadas no proxecto (ANEXO II). Deberá xuntar á memoria unha reportaxe fotográfica e/ou audiovisual que reflicta o desenvolvemento das actividades, así como unha mostra dos medios de difusión utilizados. Ademais indicarse as páxinas web e/ou redes sociais utilizadas para a súa difusión pública, e de

ser o caso, referencia das aparicións do proxecto nos medios de comunicación social. En caso de que se elabore e/ou reparta algún tipo de material financiado con este convenio, deberá obter o visto bo do Concello de Santiago, tanto o deseño e contido como os criterios de reparto, e, posteriormente, deberá facerse entrega de polo menos dous exemplares ao Concello de Santiago.

5.3.- Relación detallada de todas as subvencións ou axudas solicitadas, concedidas ou percibidas doutros axentes, outras administracións, entes públicos ou privados para a mesma finalidade, que se acreditará mediante Declaración responsable, asinada pola persoa representante legal da entidade (ANEXO I). No suposto que as actividades fosen financiadas, ademais de por este convenio, con fondos propios, outras subvencións ou recursos, deberá detallarse na xustificación o importe, a procedencia e a aplicación dos ditos fondos ás actividades subvencionadas consonte co ANEXO III. En ningún caso a contía da subvención só ou en concorrencia con outras subvencións ou axudas, poderá superar a totalidade do custo da actividade/programa subvencionada ao albor deste convenio.

5.4.- Relación detalla das facturas (na que deberá constar concepto, número de factura, data de expedición, data de pagamento, provedor e ordénante) ou documentos xustificativos que se presentan para a xustificación asinada pola/o titular ou pola/ representante legal da entidade segundo o ANEXO III, desagregadas por conceptos segundo o orzamento presentado pola entidade.

5.5.-Declaración da relación de nóminas/retribucións das persoas destinadas a desenvolver a actividade/programa subvencionado (ANEXO III)

5.6.- Declaración responsable sobre publicidade respecto do carácter público do financiamento do programa/actividade (ANEXO IV)

5.7.- No momento da xustificación deberase acreditar que a entidade está ao corrente nos pagos coa Seguridade Social, Axencia Estatal da Administración Tributaria, facenda da Comunidade Autónoma e o propio Concello de Santiago mediante certificacións das administracións correspondentes.

5.8.- A xustificación documental dos gastos imputados á subvención, realizarase por algunha das seguintes formas:

1.- Facturas oficiais que se correspondan cos conceptos de gastos que figuran no apartado oitavo do presente convenio, todas elas referidas ao ano 2022, debendo acreditarse o seu pagamento, mediante xustificantes bancarios con anterioridade a data límite de xustificación.

As facturas deberán reunir, en todo caso, os requisitos previstos no Real Decreto 1619/2012, do 30 de novembro, polo que se aproba o Regulamento polo que se regulan as obrigas de facturación, modificado polo Real Decreto 828/2013, do 25 de outubro e, no seu caso, coas particularidades previstas no artigo 20 da Lei 37/1992, do 28 de decembro, do Imposto sobre o valor engadido, respecto das exencións en operacións interiores. Concretamente: número de factura, data de expedición, obxecto do pagamento, a identificación da persoa pagadora e da

destinataria do pagamento, que deberá coincidir coa persoa, empresa ou entidade que emite a factura número de identificación fiscal do que expide a factura, e o domicilio de ambos. No caso de que un xustificante de pagamento inclúa varias facturas, deberán identificarse no documento de pagamento das facturas das é obxecto.

As facturas relacionaranse detalladamente segundo o ANEXO III, desagregadas por conceptos consonte ao orzamento presentado pola entidade de acordo coa solicitude.

2.- No caso de imputarse á subvención gastos de persoal, deberá achegarse:

- Nóminas de dito persoal traballador e xustificante do seu pagamento mediante transferencia bancaria que deberá indicar nome da persoa, data de pagamento, o mes que se corresponde co dito pagamento, así como o concepto e o ordenante do pago.
- Seguros sociais e xustificante do seu pagamento-
- Retención á conta do IRPF e xustificante do seu pagamento por parte da entidade beneficiaria
- Certificado da empresa no que se acrediten os custes de seguridade social e de empresa asinado pola persoa titular ou pola persoa representante legal da entidade. En todo caso deberá acreditarme mediante declaración responsable de dita persoa, que o persoal obxecto de subvención está destinado a desenvolver o programa.

A XUSTIFICACIÓN DO PAGAMENTO DOS GASTOS IMPUTADOS, realizaranse dalgunha das seguintes formas:

- Preferentemente mediante transferencia bancaria, a través de copia do resgardo do cargo da mesma; e conterá, en todo caso, a data de transferencia, importe, concepto, número de factura, ordenante e provedor/a
- Cheque. Ademais da copia asinada, xustificante mediante copia de certificado bancario que deberá indicar a data do cargo en conta, número, destinatario e a entidade emisora.
- Para o caso de pagamentos realizados mediante tarxeta de crédito/débito, deberá achegarse a acreditación da titularidade da mesma, que deberá estar asociada á conta bancaria da entidade.

A contía a xustificar será polo importe total dos gastos realizados á data de presentación da xustificación do convenio e polos conceptos sinalados na cláusula 3ª.

A entidade aterase á presentación da memoria e dos anexos que forman parte deste Convenio. Estes non conterán ningunha epígrafe ou parágrafo manuscrita, agás da sinatura, no seu formato orixinal sen emendas nin riscadas, que darían lugar á inadmisión da documentación.

A presentación realizarase electrónicamente, na sede do Concello de Santiago, dirixindo a documentación de xeito claro á Unidade Orgánica PROMOCIÓN ECONÓMICA (C03.01.03)

Ademais a entidade deberá remitir, pola vía telemática, os anexos do Convenio debidamente cumprimentados; deberá ser en formato de texto editable WORD (.doc ou .docx.) ao correo electrónico: cersia@santiagodecompostela.gal.

6º.- O prazo de vixencia deste convenio establécese dende o momento da súa sinatura ata o 31 de decembro de 2023. Serán subvencionables os gastos executados e efectivamente pagados entre o 1 de xaneiro de 2023 e o 10 de novembro de 2023.

7º.- O incumprimento das obrigas que se impoñen ao interesado levará consigo a restitución dos importes dos pagos da subvención que en cada caso se tivese efectuado.

8º.- Polo Concello poderá esixirse, aparte das condicións establecidas neste convenio, as fórmulas de xustificación de cumprimento de obrigacións que se estimen convenientes.

9º.- Con respecto aos libros e rexistros contables que deba levar a UNIÓN DE COOPERATIVAS ESPAZOCOOP, así como para reintegro de fondos, en caso de incumprimento e demais medidas de control e inspección, estarase ao disposto na lei 38/2003 de subvencións e demais lexislación que no seu caso sexa de aplicación.

10º.- O importe da subvención especificada neste convenio, cando proceda o pago do mesmo, deberá ser ingresado no número de conta da A UNIÓN DE COOPERATIVAS ESPAZOCOOP indicado na certificación bancaria aportada pola entidade.

11º As actuacións en materia de cesión de datos de carácter persoal axustaranse ao disposto na Lei orgánica 3/2018, de 5 de decembro, de protección de datos persoais e garantía dos dereitos dixitais, e no Regulamento(UE) 2016/679 do Parlamento Europeo e ao Consello do 27 de abril de 2016 relativo á protección das persoas físicas no que respecta ao tratamento dos seus datos persoais e á libre circulación destes datos.

12º Son causas de resolución deste convenio, de acordo coa lexislación vixente, o incumprimento de calquera cláusula establecida no mesmo, e concretamente:

- a) Forza maior que imposibilite o desenvolvemento das actividades programadas.
- b) Incumprimento das cláusulas establecidas no convenio específico de colaboración.
- c) Mutuo acordo entre as partes.
- d) O vencemento do seu prazo.

13º O presente convenio de colaboración ten natureza administrativa e está expresamente excluído do ámbito de aplicación da Lei 9/2017 de Contratos do Sector Público, segundo o sinalado no seu art. 6 sen prexuízo da súa posible aplicación con carácter supletorio.

Para a interpretación de cantas dúbidas xurdan na aplicación do convenio créase unha comisión mixta, que estará integrada polas persoas que sexan designadas para o efecto por parte das dúas institucións (persoal técnico do CX34 Promoción Económica e da entidade UNIÓN DE COOPERATIVAS ESPAZOCOOP). Esta comisión velará polo cumprimento dos obxectivos fixados.

Non obstante o anterior, as cuestións litixiosas que poidan xurdir sobre este convenio, respecto da vixilancia e control, interpretación, resolución e efectos do mesmo, serán resoltas en última instancia administrativa pola Xunta de Goberno da cidade de Santiago de Compostela, poñendo os seus acordos fin á vía administrativa e contra eles poderá interpoñerse recurso contencioso-administrativo, segundo establece o artigo 46.4 da Lei 29/1998, reguladora desta xurisdición. Para este efecto, será competente o Xulgado do Contencioso Administrativo de Santiago de Compostela

Santiago de Compostela, na data indicada nas sinaturas dixitais

Polo CONCELLO DE SANTIAGO
MARÍA ROZAS PÉREZ
CONCELLEIRA DE PROMOCIÓN ECONÓMICA

Pola Unión de Cooperativas Espazocoop
Ana Olveira Blanco
Presidenta da Unión de Cooperativas Espazocoop

ANEXO I DECLARACIÓN RESPONSABLE

DATOS DA ENTIDADE NOME OU RAZÓN SOCIAL

NIF

LOCALIDADE

CORREO ELECTRÓNICO

ENDEREZO

TELÉFONO

E, NA SÚA REPRESENTACIÓN NOME E APELIDOS

NIF

EN CALIDADE DE

DECLARO BAIXO A MIÑA RESPONSABILIDADE,

1. Que a Entidade/Asociación ten cumprido co obxecto do convenio asinado co Concello de Santiago no ano 2023, para o desenvolvemento da Actividade/Programa/Proxecto , de conformidade coas cláusulas contidas no mesmo.

2. Que todos os datos contidos nesta declaración son certos.
3. Que esta Entidade cumpre con todos os requisitos para obter a condición de beneficiaria dunha subvención e, polo tanto, non está incurso en ningunha das circunstancias de prohibición á que se refire a Lei 38/2003, do 17 de novembro, xeral de subvencións e, o Real Decreto 887/2006, do 21 de xullo, pola que se aproba o seu regulamento e da Lei 9/2007, do 13 de xuño, de subvencións de Galicia.
4. Esta Entidade está ao día no cumprimento das obrigas tributarias e fronte á seguridade social, e non ten pendente de pagamento ningunha débeda coa Administración pública da comunidade autónoma, nin co Concello de Santiago de Compostela.

E a tal efecto, Presento:

- Certificado de Situación de cotización da Tesourería xeral da Seguridade Social.
- Certificado da Delegación Especialde Galicia da Axencia Tributaria.
- Certificado da Axencia Tributaria de Galicia da Consellería de Facenda.
- Certificado da Tesourería do Excmo. Concello de Santiago de Compostela.

5. A Entidade está de acordo coas actuacións de control e supervisión da subvención que se leven a cabo por parte do órgano concedente.

6. Que en relación con outras axudas concedidas ou solicitadas esta Entidade:

Non ten solicitada nin concedida ningunha outra axuda para este mesmo proxecto e conceptos para os que se solicita esta subvención.

Ten solicitadas e/ou concedidas outras axudas para este mesmo proxecto e conceptos para os cales se solicita esta subvención doutras administracións públicas competentes, entes públicos ou privados, estatais ou internacionais, que son os que a continuación se relacionan:

| ORGANISMO/S | S/C/P (1) | IMPORTE€ (2) | % (3) | DISPOSICIÓN REGULADORA (4) |
|-------------|-----------|--------------|-------|----------------------------|
| | | | | |
| | | | | |

(1) Indíquese o que corresponda S (solicitada), C (concedida), P (percibida) (2) Importe total da axuda solicitada/concedida/percibida procedentes das distintas administracións públicas ou doutros entes públicos ou privados, nacionais ou internacionais, para a mesma finalidade.

(3) Porcentaxe de axuda sobre o custe total.

(4) Indíquese nome da Administración/Entidade pública concedente e data da resolución.

En cumprimento do disposto na Lei orgánica 3/2018, de 5 de decembro, de Protección de Datos Persoais e garantía dos dereitos dixitais, infórmase de que os datos persoais recollidos na presente Declaración e nos seus anexos se incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei mediante un escrito dirixido ao Excmo. Concello de Santiago de Compostela como responsable do ficheiro.

LEXISLACIÓN APLICABLE: Orzamento Xeral do Excmo. Concello de Santiago de Compostela para o ano 2022, Bases de Execución do Orzamento para o ano 2022. Lei 38/2003, do 17 de novembro, xeral de subvencións (BOE número 276, do 18 de novembro); o Real Decreto 887/2006, do 21 de xullo, polo que se aproba o seu regulamento (BOE número 176, do 25 de xullo); e a Lei 9/2007, do 13 de xuño, de subvencións de Galicia (DOG número 121, do 25 de xuño); e o Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

SINATURA DA PERSOA REPRESENTANTE



ANEXO II
MEMORIA DO PROXECTO/PROGRAMA
(Deberá redactarse seguindo estritamente este modelo)

| |
|--|
| NOME DA ASOCIACIÓN, FUNDACIÓN, ENTIDADE OU FEDERACIÓN NIF DENOMINACIÓN DO PROXECTO |
|--|

Descrición do proxecto con referencia aos aspectos máis salientables na súa execución (Máximo 15 liñas)

| |
|--|
| |
|--|

Obxectivos e prioridades. Explicaranse cal ou cales foron os obxectivos xerais e específicos acadados (Máximo 15 liñas)

| |
|--|
| |
|--|

Persoas destinatarias. Explicarase a quen se dirixiu o proxecto establecendo dous apartados: persoas inmigrantes e persoas retornadas, o seu numero, idades, sexo e país de procedencia.

| |
|--|
| |
|--|

Persoas encargadas de desenvolver o proxecto. Detallarase o equipo que levou a cabo as actividades e as funcións de cada persoa membro do equipo e as tarefas necesarias que se desenvolveron para a súa execución.

| Nome e apelidos | Funcións levadas a cabo no proxecto | Actividades en que participou | Tarefas que desenvolveu nas devanditas actividades |
|-----------------|-------------------------------------|-------------------------------|--|
| | | | |
| | | | |
| | | | |
| | | | |

Explicar o impacto que tivo na comunidade destinataria do proxecto, así como o efecto multiplicador e o seguimento (Máximo 15 liñas)

Recursos humanos e materiais implicados na organización do proxecto.

Avaliación dos resultados, onde se deberá describir detalladamente o sistema de avaliación empregado para medir os resultados ou os logros (cualitativos e cuantitativos) na execución do proxecto (Máximo 15 liñas)

Explicación de como se fixo a difusión e visibilidade do proxecto. É obrigatorio xuntar á memoria unha reportaxe fotográfica ou audiovisual que reflecta o desenvolvemento das actividades, así como unha mostra dos carteis empregados. Ademais, indícanse as páxinas web e/ou redes sociais utilizadas para a súa difusión pública; e, de ser o caso, achegarase a referencia das aparicións do proxecto nos medios de comunicación social.

Persoa de contacto para realizar consultas sobre a presente xustificación

| |
|------------------------|
| Nome |
| Apelidos |
| Función que desenvolve |
| Enderezo electrónico |
| Teléfono |

ACTIVIDADES DESENVOLTAS NO PROXECTO. Se o desenvolvemento do proxecto conlevou a execución de varias actividades, cubrir o seguinte esquema para cada unha delas.

| |
|---|
| NOME DA ACTIVIDADE: OBXECTIVO DA ACTIVIDADE (Máximo 5 liñas) DESCRIBIR O QUE SE FIXO (Máximo 15 liñas) PERSONAS DESTINATARIAS EXCLUSIVAMENTE DA ACTIVIDADE. Establecendo |
|---|

dous apartados: persoas inmigrantes e persoas retornadas, o seu número, idades, sexo e país de procedencia.

LUGAR DE REALIZACIÓN:

DATAS (Indicar meses/días nos que comezou e rematou a actividade, e/ou número de horas se procede):

ACTIVIDADES DE PLANIFICACIÓN E EXECUCIÓN:

RECURSOS HUMANOS E MATERIAIS IMPLICADOS NA ORGANIZACIÓN DA ACTIVIDADE:

En cumprimento do disposto na Lei orgánica 3/2018, de 5 de decembro, de Protección de Datos Personais e garantía dos dereitos dixitais, infórmase de que os datos persoais recollidos na presente Declaración e nos seus anexos se incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei mediante un escrito dirixido ao Excmo. Concello de Santiago de Compostela como responsable do ficheiro.

LEXISLACIÓN APLICABLE: Orzamento Xeral do Excmo. Concello de Santiago de Compostela para o ano 2022, Bases de Execución do Orzamento para o ano 2022. Lei 38/2003, do 17 de novembro, xeral de subvencións (BOE número 276, do 18 de novembro); o Real Decreto 887/2006, do 21 de xullo, polo que se aproba o seu regulamento (BOE número 176, do 25 de xullo); e a Lei 9/2007, do 13 de xuño, de subvencións de Galicia (DOG número 121, do 25 de xuño); e o Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

SINATURA DA PERSOA REPRESENTANTE

| | | | | | | | | | |
|--|--|--|--|--|--|--|--|--|--|
| | | | | | | | | | |
|--|--|--|--|--|--|--|--|--|--|

| | | | | | | | | | |
|--|--|--|--|--|--|--|--|--|--|
| | | | | | | | | | |
| | | | | | | | | | |

*Importes vinculados ao % da xornada laboral que se detallou, no caso de non aplicarlle a este Convenio o 100% da xornada

4º.- Que os restantes gastos xerados pola actividade subvencionada foron financiados con cargo a

5º.- Que en relación con outras axudas concedidas ou solicitadas esta Entidade:

- Non ten concedida ningunha outra axuda para este mesmo proxecto e conceptos para os que se solicitou esta subvención.
- Ten solicitadas e/ou concedidas outras axudas para este mesmo proxecto e conceptos para os cales se solicitou esta subvención doutras administracións públicas competentes, entes públicos ou privados, estatais ou internacionais, que son os que a continuación se relacionan:

| ORGANISMO/S | S/C/P (1) | IMPORTE€ (2) | % (3) | DISPOSICIÓN REGULADORA (4) |
|-------------|-----------|--------------|-------|----------------------------|
| | | | | |
| | | | | |
| | | | | |

(1) Indíquese o que corresponda S (solicitada), C (concedida), P (percibida) (2) Importe total da axuda solicitada/concedida/percibida procedentes das distintas administracións públicas ou doutros entes públicos ou privados, nacionais ou internacionais, para a mesma finalidade.

(3) Porcentaxe de axuda sobre o custe total.

(4) Indíquese nome da Administración/Entidade pública concedente e data da resolución

6º.- Da liquidación de ingresos e gastos se deriva que respecto do programa ou actividade realizada, cúmprese o disposto no artigo 31.1 da LXS, o importe dos ingresos e subvencións concedidas non supera o importe total dos gastos devengados, sendo destinadas todas as achegas á actividade subvencionada.

En cumprimento do disposto na Lei orgánica 3/2018, de 5 de decembro, de Protección de Datos Personais e garantía dos dereitos dixitais, infórmase de que os datos persoais recollidos na presente Declaración e nos seus anexos se incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei mediante un escrito dirixido ao Excmo. Concello de Santiago de Compostela como responsable do ficheiro.

LEXISLACIÓN APLICABLE: Orzamento Xeral do Excmo. Concello de Santiago de Compostela para o ano 2022, Bases de Execución do Orzamento para o ano 2022. Lei 38/2003, do 17 de novembro, xeral de subvencións (BOE número 276, do 18 de novembro); o Real Decreto 887/2006, do 21 de xullo, polo que se aproba o seu regulamento (BOE número 176, do 25 de xullo); e a Lei 9/2007, do 13 de xuño, de subvencións de Galicia (DOG número 121, do 25 de xuño); e o Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

SINATURA DA PERSOA RESPONSABLE

ANEXO IV

DECLARACIÓN RESPONSABLE SOBRE PUBLICIDADE RESPECTO DO CARÁCTER PÚBLICO DO
FINANCIAMENTO DO PROGRAMA/ACTIVIDADE

DATOS DA ENTIDADE

NOME OU RAZÓN SOCIAL

NIF

ENDEREZO

LOCALIDADE

TFNO/S

CORREO ELECTRÓNICO

E, NA SUA REPRESENTACIÓN

NOME E APELIDOS

NIF

EN CALIDADE DE

DECLARO ter dado a adecuada publicidade do carácter público do financiamento do programa/actividade subvencionada

obxecto do convenio, , de conformidade co establecido no convenio, en cumprimento do disposto na normativa reguladora das subvencións.

A tal efecto achegase coa memoria se procede reportaxe fotográfica e/ou audiovisual que reflicte o desenvolvemento das actividades, así como unha mostra dos carteis empregados.

Apórtanse como soportes documentais se procede (carteis, folletos, enquisas, captura de pantalla páxinas web, fotografías ou outra documentación elaborada ad hoc) xustificativos o/s seguinte/s:

| |
|--|
| |
| |
| |
| |

- Indícanse as páxinas web e/ou redes sociais utilizadas para a súa difusión pública e, de ser o caso, referencia das aparicións do proxecto nos medios de comunicación social.

| |
|--|
| |
| |

